

RESOLUCIÓN DA XERENCIA DO CONSORCIO GALEGO DE SERVIZOS DE IGUALDADE E BENESTAR POLA QUE SE ACORDA A ADXUDICACIÓN DO CONTRATO DUN SERVIZO DE IMPARTICIÓN DE ACCIÓNS FORMATIVAS NO MARCO DA ESTRATEXIA DE INCLUSIÓN SOCIAL DE GALICIA DESTINADA A PERSOAS EN SITUACIÓN OU RISCO DE EXCLUSIÓN SOCIAL ATENDIDAS POLOS EQUIPOS COMARCAIS DE INCLUSIÓN SOCIOLABORAL DO CONSORCIO GALEGO DE SERVIZOS DE IGUALDADE E BENESTAR, SUSCEPTIBLE DE SER FINANCIADO CON FONDOS REACT-UE NO MARCO DO PROGRAMA OPERATIVO FSE GALICIA 2014-2020, COMO PARTE DA RESPOSTA DA UNIÓN Á PANDEMIA DA COVID-19. LOTES (1, 2, 3 e 4)

Expediente: CGSIB/001/21/SE/INC- LOTE 1 – Galicia Norte da provincia da Coruña e Lugo

Por resolución da Xerencia do Consorcio Galego de Servizos de Igualdade e Benestar do 22/07/2021, publicada na Plataforma de contratos de Galicia e no perfil de contratante do Consorcio o 23/07/2021, convocouse a contratación do servizo de impartición de accións formativas no marco da estratexia de Inclusión Social de Galicia destinada a persoas en situación ou risco de exclusión social atendidas polo equipos comarcais de Inclusión Sociolaboral do Consorcio Galego de Servizos de Igualdade e Benestar, susceptible de ser financiado con fondos REACT-UE no marco do Programa Operativo FSE Galicia 2014-2020. Lotes (1, 2, 3 e 4).

Os licitadores que presentaron ofertas no lote 1 foron os seguintes:

1. FOROX INNOVACIÓN, SL.
2. ALVALOP SERVICIOS XXI SL
3. Beproject Consultoría de Formación y Empleo S.L

Segundo o disposto no artigo 151.1 da Lei 9/2017, do 8 de novembro, de Contratos do Sector Público, motivase esta resolución de adxudicación como segue a continuación:

- **Valoración de ofertas:** examinadas as ofertas técnicas e económicas das empresas licitadoras, de acordo cos criterios de valoración recollidos no prego de cláusulas administrativas particulares, as ofertas presentadas obtiveron as seguintes puntuacións:



EMPRESA		TOTAL Puntuación SOBRE B	TOTAL Puntuación SOBRE c	TOTAL Puntuación SOBRE B+C	Nº ORDE
Oferta Nº:	NOME:				
1	FOROX INNOVACIÓN, S.L.	31,50	56,69	88,19	1º
2	ALVALOP SERVICIOS XXI S.L.	21,50	60,00	81,50	2º
3	Beproject Consultoría de Formación y Empleo S.L	15,50	57,64	73,14	3º

- Candidatos descartados:**

ENTIDADE	RAZÓN PARA O REXEITAMENTO DAS OFERTAS PRESENTADAS
ALVALOP SERVICIOS XXI SL	A pesar de que a súa oferta económica acadou a máxima puntuación, a oferta técnica presentada é máis feble.
Beproject Consultoría de Formación y Empleo SL	Nin a súa oferta técnica nin a económica resultan das mellores valoradas

- Ofertas con valores anormais ou desproporcionados:** ningunha das ofertas presentadas incorreu en valores anormais ou desproporcionados.
- Oferta economicamente máis vantaxosa:** a oferta presentada pola empresa **FOROX INNOVACIÓN, SL** resultou ser a máis vantaxosa economicamente, acadando unha puntuación total de **88,19 puntos** sobre 100 do baremo recollido no prego de cláusulas administrativas particulares que rexe a presente licitación.

Posteriormente, **FOROX INNOVACIÓN, SL** foi requirida para que, de conformidade co disposto no artigo 150.2 da Lei 9/2017, do 8 de novembro, de Contratos do Sector Público, achegase a



documentación esixida na cláusula 7.6 do prego de cláusulas administrativas particulares, sendo esta presentada no debido tempo e forma.

En base ao anteriormente exposto e, conforme ao disposto nos artigos 131 e 156 a 158 da Lei 9/2017, do 8 de novembro, de Contratos do Sector Público e ao abeiro da delegación competencial efectuada polo Comité Directivo do Consorcio na súa sesión de 6 de marzo de 2015, publicada no DOG núm. 52, do 17 de marzo de 2015,

RESOLVO:

1. Adxudicar o contrato consistente no servizo de impartición de accións formativas no marco da estratexia de Inclusión Social de Galicia destinada a persoas en situación ou risco de exclusión social atendidas polo equipos comarcais de Inclusión Sociolaboral do Consorcio Galego de Servizos de Igualdade e Benestar, lote 1, á empresa **FOROX INNOVACIÓN, SL** por un importe **26.177,80 €**, exento de IVE.
2. Notificar a presente adxudicación aos licitadores e publicala simultaneamente no perfil de contratante do Consorcio Galego de Servizos de Igualdade e Benestar.
3. A formalización do contrato non poderá efectuarse antes de que transcorran 15 días hábiles dende que se remita a notificación da adxudicación aos licitadores e candidatos. O órgano de contratación requirirá ao adxudicatario para que formalice o contrato en prazo non superior a 5 días a contar dende o seguinte a aquel no que houbose recibido o requirimento, unha vez transcorrido o prazo de 15 días hábiles, sen que se houbose interposto recurso que leve aparellada a suspensión da formalización do contrato.

Contra esta resolución poderá interpoñer potestativamente, ante este órgano de contratación, recurso especial en materia de contratación regulado no artigo 44 e seguintes da Lei 9/2017, de Contratos do Sector Público (LCSP), no prazo de 15 días hábiles a contar dende o día seguinte á remisión desta notificación e/ou recurso contencioso-administrativo ante os Xulgados Contencioso-administrativos no prazo de dous meses contados desde o día seguinte ao da notificación desta resolución, conforme ao artigo 46.1 da Lei 29/1998, do 13 de xullo, reguladora da Xurisdición Contencioso-administrativa, sen prexuízo de poder interpoñer recurso potestativo de reposición no prazo dun mes segundo o disposto nos artigos 123 e 124 da Lei 39/2015, do 1 de outubro, do Procedemento Administrativo Común das Administracións Públicas.

O escrito de interposición do recurso especial en materia de contratación presentarase preferentemente por vía electrónica a través dos formularios normalizados dispoñibles na sede electrónica do Tribunal Administrativo de Contratación Pública da Comunidade Autónoma de Galicia, <https://tacgal.xunta.gal>, e concretamente na ligazón para a presentación do recurso especial por medios electrónicos: <https://tacgal.xunta.gal/procedementos.html>; ao mesmo xuntarase a documentación que establece o artigo 51 da LCSP.

En todo caso, ao abeiro da Lei 39/2015, do 1 de outubro, do Procedemento Administrativo Común



das Administracións Públicas a presentación electrónica será obrigatoria para: as Administracións públicas, as persoas xurídicas, as entidades sen personalidade xurídica, as persoas que exerzan unha actividade profesional para a que se requira colexiación obrigatoria para os trámites e actuacións que realicen coas Administracións públicas no exercicio da súa actividade profesional, as persoas representantes dunha das anteriores.

Santiago de Compostela, na data da sinatura electrónica da presente resolución

O xerente do Consorcio Galego de Servizos de Igualdade e Benestar

Perfecto Rodríguez Muíños
(*P.D. do Comité Directivo do 6/3/2015*
DOG núm. 52 do 17/3/2015)

